



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, 26 IULAI, 2021 HOLA 2:30'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

Kalani Ka'anā'anā	-	Ke'ena Kuleana Ho'okipa o Hawai'i (HTA)
Snowbird Bento	-	Kaiāulu
Jarrett Keohokālole	-	'Aha Kenekoa o Hawai'i
Jamie Lum	-	Ke'ena Ho'omohala Waiwai a me ka Ho'okipa (DBEDT)
Richard Onishi	-	'Aha Lunamaka'ānana o Hawai'i (hō'ea i ka hola 2:31'au)
Makanani Salā	-	Ke Kūlanakauhale a Kalana o Honolulu
Hinaleimoana Wong-Kalu	-	Ke'ena Kuleana Hawai'i (OHA) hō'ea i ka hola 2:33'au)

Nā Hoa Kipa:

Kieleku Amundson	-	Ke Kūlanakauhale a Kalana o Honolulu
Jackie Burke	-	Kaiāulu
Mamiko Carroll	-	Kaiāulu
Ilihia Gionson	-	'Ahahui Ho'okipa 'Ōiwi Hawai'i
Lynn Martin Graton	-	Kaiāulu
Keali'i Haverly	-	Kaiāulu
Ngahiraka Mason	-	Kaiāulu
June Matsumoto	-	Kaiāulu
Aaron Salā	-	Kulanui o Hawai'i/Royal Hawaiian Center
Malia Sanders	-	'Ahahui Ho'okipa 'Ōiwi Hawai'i
Kanoe Takitani-Puahi	-	'Ahahui Ho'okipa 'Ōiwi Hawai'i
Pris Texeira	-	Kaiāulu
Kalei 'Uwēko'olani	-	Kaiāulu

Nā Limahana:

Margaret Ahn	-	Loio Kuhina
Marlene Hiraoka	-	DBEDT
Timothy Tiu	-	DBEDT
Scott Tome	-	DBEDT

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 26 Iulai, 2021 hola 2:30'aiu ma o ka ZOOM
'Ao'ao 2 o 7

Nā Mihi:

Māpuana de Silva

- Kaiāulu

HO'OMAKA

Na Luna Ho'omalulu Ka'anā'anā i ho'omaka i ka hālāwai ma ka hola 2:30'aiu, nāna i ho'okipa i nā mea a pau i kū mai ma ka Zoom a me ka Facebook Live.

Kāhea akula ka Luna Ho'omalulu iā Ms. Kalei 'Uwēko'olani no Maui e mālama i ka wehena, 'oia, ua kono 'ia 'o ia no ia hana. Ua ho'olauna 'o Ms. 'Uwēko'olani iā ia iho me ka 'ōlelo 'ana ke kū 'elele nei 'o ia ma ke 'ano he kanaka Hawai'i no ke Grand Wailea Hotel. Hō'ike aku 'o ia i kona mahalo no ke kono 'ia e mālama i ka 'aha wehena.

Ho'olauna akula 'O Ms. 'Uwēko'olani i nā mo'olelo ka'ao no Maui. 'O kāna hana ma ke Grand Wailea, 'O ia ka ho'ona'auao 'ana i nā hoa hana, nā malihini, a me nā 'ohana 'ē a'e, i mea e a'o ai lākou no nā hi'ohi'ona o kona 'āina, ka mea nui o ka mālama 'ana i ke ko'iko'i a me ka waiwai o ka mō'aūkala a me ka mo'omeheu Hawai'i. Ua hō'ike mai 'o ia i nā ki'i o ka 'āina a me nā waiwai 'ē a'e a ke Grand Wailea, me ka ha'i mo'olelo pū no ko Maui huaka'i 'ana i Hawai'i; he 'ikepili e ka'ana 'ia me nā hoa hana hou. Mea mai 'o ia no kāna kūlana hana, 'auamo 'o ia i ke kuleana o ka ho'omau 'ana i ka ha'i mo'olelo i ka po'e kipa i 'oi aku ko lākou mahalo a na'auao i ko kākou mo'omeheu. Mahalo akula 'o ia i ke anaina no ka 'ae 'ana iā ia e ka'ana mana'o.

Mahalo akula ka Luna Ho'omalulu iā Ms. 'Uwēko'olani, me ka ho'opuka 'ana no kona 'ano ho'oholomua ma ka 'oihana ho'okipa malihini.

'ŌLELO HŌ'IKE A KA LEHULEHU

Wehe ka Luna Ho'omalulu Ka'anā'anā i ka hālāwai i ka lehulehu e hāpai mana'o. 'Oia 'a 'ohe mea i ho'opuka 'ia, ho'opa'a 'ana i kekahi hālāwai.

'ĀPONO I KA MO'O'ŌLELO HĀLĀWAI 7 IUNE 2021

Ua nā'ana 'ia nā mo'o'ōlelo e nā Lālā Komikina. Noi mai ka Luna Ho'omalulu iā Hope Luna Ho'omalulu Salā e alaka'i i kēia māhele o ka papahana 'oia 'a'ole 'o ia ma ka hālāwai i hala. Noi mai ka Hope Luna Ho'omalulu no ke 'āpono 'ia o ka mo'o'ōlelo hālāwai. Me ka 'ole o nā 'ōlelo kū'ē, noi mai 'o ia no ke koho pāloka ma ke kāhea inoa, a ho'oholo nā Lālā Komikina penei: Luna Ho'omalulu Ka'anā'anā, Hope Luna Ho'omalulu Salā, Ms. Lum, Ms. Wong-Kalu, Mr. Keohokālole, Mr. Onishi, Ms. Bento, Ms. Ah Nee-Benham.

Ua lōkahi ke 'āpono 'ia o ka mo'o'ōlelo hālāwai.

KA NŪ HOU NO NĀ WĀ HUI I 'ĀPONO 'IA

Nā'ana a'ela ka Luna Ho'omalulu i nā lula no ka hui a launa 'ana i 'āpono 'ia, me ka ho'olaha pū 'ana no ke kūmau o ia ho'olaha 'ana ma nā hālāwai mai kēia mua aku. Ua 'āpono ka 'Aha'ōlelo, ma ke Kānāwai 103, i ka hui 'ana ma waho aku o nā hālāwai Komikina. Noi mai ka Luna Ho'omalulu iā Ms. Ahn e alaka'i i ia nā'ana 'ana.

Wahi a Ms. Ahn, 'ae 'ia ka hapa nui o ke komikina a emi mai paha e hui, no nā hālāwai ma waho aku o ka mea i ho'olālā 'ia. Pono na'e e hō'ike mai i nā mea i wala'au 'ia, ma nā hālāwai Komikina ma'amau. 'Oiai loa'a he 'eiwa mau lālā ma ke Komikina, 'ae 'ia he 'ehā i ka 'elima lālā a e hui.

Noi mai 'o Mr. Keohokālōle e hō'ike mai inā 'ae a i 'ole pāpā paha 'ia ke ka'a'ike pāna'i. Wehewehe maila 'o Ms. Ahn inā hui nā lālā komikina ma nā pū'ulu li'ili'i e like nō me ka mea i 'āpono 'ia ma ke Kānāwai 103, 'a'ole hiki i ia mau Lālā Komikina ke ha'i aku i ka po'e 'ē a'e no nā mea i wala'au 'ia, a hiki i ke kūkākūkā 'ana no ia mau mana'o ma nā hālāwai Komikina i wehe 'ia i ka lehulehu.

Nīnau akula ka Luna Ho'omalū inā nō i hui paha kekahi mau Lālā Komikina mai ka hālāwai hope. Ha'i mai 'o Ms. Ah Nee no ko Benham komo 'ana ma 'elua mau hālāwai 'oko'a: ua hui 'o ia me Ms. Lum e kūkākā ai no ke kūlana Luna Ho'olaule'a; ua hui pū 'o ia me Ms. Lum lāua 'o Mr. Keohokālōle no ke kūkākūkā 'ana no ke kūlana Luna Ho'olaule'a a me nā kūlana o kēlā me kēia lālā ma ke Komikina. Hō'oia 'o Ms. Ahn i ka nui kūpono o nā Lālā Komikina ma ia mau hālāwai ('oiai kau palena 'ia ma ka 'ehā i ka 'elima). 'Āpono 'o Ms. Ah Nee-Benham no ka nui kānaka ma ia mau hālāwai.

KA 'ŌLELO HO'OHŌLO NO SB 696, PILI I KA HO'OLAULE'A NO'EAU A MO'OMEHEU PĀKĪPIKA (KĀNĀWAI 103, KE KAU KĀNĀWAI O HAWAI'I 2021)

A. Ka Ho'olō'ihī 'ia o ke Komikina i 'Aukake 31, 2025

Ho'olaha aku 'o Luna Ho'omalū, inā 'oe i ho'okohu 'ia maiā Boards and Commissions mai, ua noi 'o ia i nā Lālā Komikina e hō'oia i ka loa'a a loa'a 'ole paha o nā limahana Boards and Commissions i nā leka a i 'ole inā pono e ho'ouna 'ia, 'oiai, ua pau ka maika'i o ka ho'okohu mua 'ana ma Iune. Ua makemake ka Luna Ho'omalū e hō'oia i ka ho'ouna 'ia o nā leka i nā Lālā Komikina e kū 'elele nei no ka po'e kaiāulu he nui i ho'okohu 'ia akā 'a'ole i helu papa 'ia nā inoa ma ka 'ōlelopa'a.

B. Ke 'Āpono 'ia o kahi Hui 'ana Ma Lalo o Ka Sunshine Law No Ke Komikina

'Ōlelo akula 'o Ms. Ahn, i mea e hāhai pono ai i ke Kānāwai 103, 'o ia ho'i, ka 'ae 'ia o nā Lālā Komikina e hui; e aho paha ka ho'olaha 'ana no ka hui 'ana ma kahi hālāwai me ka hō'ike pū no nā mea i wala'au 'ia ma ia mau hālāwai, no ke koena o nā hālāwai ma ka mahina. 'Aelike ka Luna Ho'omalū me ka ho'olaha 'ana no ka noi 'ia o nā Lālā Komikina e ho'olaha i nā mea i wala'au 'ia ma ka wā e wala'au 'ia ke hiki mai ka wā kūpono.

KŪKĀKŪKĀ NO NĀ KAU NOHO KOMIKINA

Ho'olaha hou ka Luna Ho'omalū i kāna mau mea i 'ōlelo mua ai, me ke noi pū i nā Lālā Komikina e ho'oka'a'ike me ka po'e limahana inā i loa'a nā leka hou iā lākou mai ka Boards and Commissions mai.

KŪKĀKŪKĀ NO KA LUNA HO'OLAULE'A

Ho'omau akula ka Luna Ho'omalua i kekahi kumumana'o 'ē a'e i pili i ka Luna Ho'olaule'a, a inā paha e kama'ilio 'ia ka wehewehena kūlana hana ma kēia wā hālāwai. Ha'i aku 'o Ms. Ah Nee-Benham no kona mākaukau 'ole, eia na'e, ua wala'au 'o ia me Ms. Lum a me kekahi mau Lālā Komikina 'ē a'e no ia kumuhana. 'Ōlelo 'o ia ua kākau 'ē 'ia ka wehewehena kūlana hana, ua pono wale e ho'okā'oi 'ia i kū ka wehewehena i ko ke Komikina makemake. Ho'omau 'o ia me ke kālele ma ka mea nui o kona 'a'apo pono 'ana i nā hana a kuleana a pau o ke Komikina i mea e ho'omākaukau ai no FestPAC 2024, 'oiai he lālā Komikina hou 'o ia.

Ua 'ōlelo pū 'o ia, ma hope o ka hālāwai 'ana me Ms. Lum, ua noi'i hou aku 'o ia no nā 'ano hanana ho'olaule'a 'ē a'e i mālama mua 'ia ma Hawai'i, e like me ka Asia-Pacific Economic Cooperation (APEC) a me ka Union for Conservation of Nature (IUCN). Ma hope o kona noi'i 'ana, ua 'ike a'ela 'o ia 'a'ole nō maika'i loa ke kahua 'oihana o ke Komikina. Piliwi 'o Ms. Ah Nee-Benham 'oiai he Komikana hana kēia, pono e ho'omōhala 'ia he kahua 'oihana i kū i ka po'e hana, 'o ia ho'i, i hiki ke hai 'ia he Luna Ho'olaule'a a me ona kime e ho'oholo ai i ka hanana. Ua hō'ike mai 'o ia no ka pono e hai 'ia he kanaka Ho'omōhala Ka'akālai Ho'oulu Waihona Kālā inā makemake e holomua ma ka ho'olālā 'ana i ka hanana. Makemake 'o Ms. Ah Nee-Benham i ke Komikina e ho'omōhala i kekahi kahua 'oihana me he kime pū kekahi; he kime me ka Luna Ho'olaule'a, he kanaka Ho'omōhala Ka'akālai Ho'oulu Waihona Kālā, he kanaka Ho'oka'a'ike, apwa. Ua wala'au pū 'o ia me Ms. Lum lāua 'o Mr. Keohokālole no ka ho'oholomua 'ana i ka ho'omōhala 'ana i palapala 'oihana e hō'ike ana i nā hana a me nā kuleana o kēia me kēia kime i hiki i ke Komikina ke holomua. Nīnau akula 'o ia inā he mau mana'o paha ko ke Komikina.

Mahalo akula ka Luna Ho'omalua iā Ms. Ah Nee-Benham, me ka 'ōlelo pū no ka helu papa 'ia o kāna mau mea i ka'ana aku ai ma ka papa kumumana'o, 'o ia ho'i, ka ho'omōhala 'ana i kekahi papa kuhikuhi manawa, i nā lalo kōmike, nā anakuhi no nā 'ano palapala like 'ole, apwa., i holo pono nā mea a pau.

Kāko'o 'o Mr. Keohokālole i nā 'ōlelo a Ms. Ah Nee-Benham, me ka 'ōlelo 'ana no ke ko'iko'i o ka ho'oholo mana'o 'ana i loko o kekahi mau mahina. Ho'omau 'o ia me ka 'ōlelo 'ana e aho paha ka ho'olālā 'ana i ka hana, i hiki ke holomua a kō nā hana ma ka wā kūpono. Ma ka hopena o ka makahiki 2021, he ko'iko'i ke koho 'ia o kekahi Luna Ho'olaule'a a me kekahi kanaka Ho'omōhala Ka'akālai Ho'oulu Waihona Kālā, i hiki iā lāua ke ho'omaka i ka hana ke ho'omaka ka makahiki hou. Waiho akula 'o ia i ia mana'o i mua o ke Komikina no ka ho'oholo mana'o.

Hāpai mana'o 'o Ms. Ah Nee-Benham i ke koho koke 'ia o ka Luna Ho'olaule'a a me ke kanaka Ho'omōhala Ka'akālai Ho'oulu Waihona Kālā, i loko o kekahi mau mahina ma ka lohi loa. Na ia mau kānaka (a me ke Komikina kekahi) e ho'omōhala i nā 'ano 'ōlelo 'oko'a a me nā lāli'i 'ē a'e o ka ho'olālā 'ana i kēia hanana. Piliwi 'o Mr. Keohokālole he mea nui ka hiki i kēia mau kānaka 'elua ke 'auamo i nā kuleana Komikina a me nā kuleana o kā lāua kūlana hana kekahi. 'O ka pahuhopu, 'o ia ka ho'oulu kālā a me ka ho'omōhala 'ana i nā 'ano polokalamu e pono ai i loko o 18 mau mahina, i hiki ke ho'omākaukau 'ia nā pepa a pau e pili ana i ka ho'oulu kālā 'ana, no nā kānaka e mana'o nei e hā'awi manawale'a i ke kālā.

Noi akula ka Luna Ho'omalulu no ka ho'omōakāka 'ia o ke kumu o ka 'ōlelo nui 'ia o ia mau kūlana, 'oiāi, 'o nā kūlana Luna Ho'olaule'a, Luna Ho'okō, a Luna Ho'olālā Hanana, ua ho'opuka nui 'ia. 'O nā kūlana Luna Ho'olaule'a a kanaka Ho'omōhala Ka'akālai Ho'oulu Waihona Kālā, na lāua e hana pū me ka Luna Ho'olaule'a a me ke Komikina.

Nīnau maila ka Luna Ho'omalulu, pehea e uku 'ia ana ia mau kānaka 'elua, inā 'a'ole ana lāua hana no ka manuahi. Ho'opuka hou 'o Mr. Keohokālōle no ka mea nui o ka ho'oholo mana'o i loko o kekahi mau mahina. Nīnau a'ela 'o Mr. Keohokālōle no ke kālā a ka 'Aha'ōlelo i ho'oka'awale ai no ia mau kūlana; ua mana'o 'o ia ua pono e ho'ohana 'ia ia kālā no nā wahi noho a me kahi kahua ho'olaule'a. 'Ae like ka Luna Ho'omalulu me ko Mr. Keohokālōle mau mana'o. Ua nīnau pū 'o Mr. Keohokālōle no nā lūlū kālā i hā'awi 'ia. Ho'olaha 'o Ms. Lum, ua makana 'ia ma kahi o \$9,000 maiā Stanford Carr Development mai, he lūlū laulā na'e. Ua ho'ohana 'ia he \$750 no ka uku 'ana i kahi pāpaho punaewe. Nīnau 'o Mr. Keohokālōle inā i pono e uku 'ia kekahi mau 'ai'ē 'ē a'e ma mua o ke kāpai 'ia o kahi hanana ma ka makahiki 2020, inā ua pono e ho'oka'a 'ia he mau 'ai'ē mai ke Ke'ena Kuleana Ho'okipa o Hawai'i (HTA), a i 'ole mai ke Ke'ena Kuleana Hawai'i (OHA) mai. Ho'opuka mai ka Luna Ho'omalulu no ka nui o nā loli ma HTA mai ia manawa aku; eia na'e, ua hiki paha ke loa'a mai he heluna kālā li'ili'i mai ka 'Ahahui Ho'okipa 'Ōiwi (NaHHA) mai i hiki ke ho'olilo 'ia ma FestPAC, pono na'e e 'āpono mua 'ia.

Ho'opuka akula 'o Ms. Lum no ka papaha o ko OHA komo pū 'ana ma mua; eia na'e, ma hope o ke kāpai 'ia o ka hanana ma ka makahiki 2020, he pono ko lākou no'ono'o hou i ke kōkua 'ana, ma ka wā e hiki mai ana.

Ho'opuka 'o Ms. Wong-Kalu no ko OHA ho'oponopono 'ana i nā pilikia kūloko i pili i nā pae alaka'i ma ka pā'oihana, apwa. Noi 'o ia i ke Komikina e ho'omanawanui 'oiāi, maika'i nā papaha o ko lākou kōkua hou 'ana, pono wale e kia mua ma ka ho'oponopono 'ana i nā pilikia kūloko.

Ho'opuka mana'o 'o Ms. Ah Nee-Benham no ka mea nui o ko ke Komikina 'ike 'ana no hea mai ana nā kumuwaiwai, me ka maopopo pū i ka mea nui o ko ka Luna Ho'olaule'a a Kanaka Ho'omōhala Ka'akālai Waihona Ho'oulu Kālā 'auamo kuleana 'ana ma ka wā kūpono, ka waiwai o ka ho'oka'a'ike, apwa. Hapai 'o ia i ka mana'o e hui paha he 'ekolu a 'ehā paha Lālā Komikina e no'ono'o ai i kēia kumuhana ma waho aku o kēia hālāwai 'ana, 'o ka mea nui, he hui 'ana i 'āpono 'ia e nā kānāwai. Ho'omau 'o ia me ka wala'au 'ana no ka mea nui o ka ho'omōhala 'ana i kahua 'oihana i hiki ke ho'omaka ma nā hana ko'iko'i o ka ho'omākaukau 'ana no ka hanana. Pane maila ka Luna Ho'omalulu no ka loa'a 'ole o kahi 'ano kānāwai kau palena i ka hana a ke Komikina. Nīnau 'o ia iā Ms. Ahn inā i 'ae 'ia he 'ehā mau Lālā Komikina e hui e kūkākūkā ai i nā mana'o i hāpai 'ē 'ia e Ms. Ah Nee-Benham. 'Āpono 'o Ms. Ahn i ia nīnau. Noi a'ela ka Luna Ho'omalulu iā Ms. Ah Nee-Benham e alaka'i i kēia hui 'ana. Ua ho'oholo ka Luna Ho'omalulu, Ms. Bento, a me Ms. Salā e komo pū ma ka wala'au 'ana no ia kumuhana.

Wehewehe mai ka Luna Ho'omalulu no ko NaHHA mā 'aelike me HTA, 'o ia ho'i, ko HTA kāko'o 'ana i nā hana i pili i ka ho'olālā 'ana no FestPAC. Mea mai ka Luna Ho'omalulu e nā'ana 'o ia i ka papaha o ko NaHHA ho'olilo kālā ma FestPAC, inā nō 'ae like nā Lālā Komikina. Me ka 'ole o nā leo kū'ē, ua ho'oholo ka Luna Ho'omalulu e noi'i hou aku no ka nui kālā i hiki iā

NaHHA ke makana mai, a na Ms. Ah Nee-Benham mā e ho'oholo no ka nui uku hana a me ka wehewehena kūlana hana, i hiki ke 'āpono 'ia ma kahi hālāwai Komikina a'e.

Hapai mana'o o Ms. Ah Nee-Benham no ko Mr. Keohokālōle komo pū 'ana ma kēia Lalo Kōmike 'oiai ua nui kāna mau mana'o maika'i i ho'opuka ai. Kāko'o o Ms. Salā i kēia mana'o, a ua 'ae maila o ia i ke kuapo 'ana me Mr. Keohokālōle i hiki iā ia ke komo pū ma ka hana. Ho'omana'o o Mr. Keohokālōle i ke Komikina no ka mea nui o ka 'imi 'ana i nā ala e ili mai ai ke kālā i hiki ke ho'omaka koke i ka hana. 'Oī aku ka maika'i o ka loa'a koke o kahi pū'ulu kālā li'ili'i ma ka ho'omaka 'ana o ka hana, ma mua o ka hā'awi lohi 'ia o kahi pū'ulu kālā nui. Komo pū o Ms. Ah Nee-Benham me ka 'ōlelo 'ana no ka maika'i o ka 'ae 'ana i ka po'e e hana manawale'a a me ka hā'awi manawale'a i nā waiwai, 'oiai, hiki ke loa'a mai ke kālā mai ia mau mea kekahi. Piliwi o ia he makepono ka lako 'ia o kekahi ke'ena hana no nā limahana FestPAC. Pane akula ka Luna Ho'omalū me ka 'ōlelo e hō'oia o ia inā he mau ke'ena keu ko HTA.

KŪKĀKŪKĀ NO NĀ KAHUA HO'OLAULE'A

Ho'omau ka Luna Ho'omalū i kahi kumuhana hou. Nīnau o Ms. Bento inā i koho paha 'ia he wahi no ke kahua ho'olaule'a.

Hō'ike mai ka Luna Ho'omalū, inā nō mālama 'ia ka 'Aha Wa'a, nā 'Aha Wehena a Panina, a me ke Kahua Ho'olaule'a, e 'oi aku ana ka ma'alahi o ka ho'olālā 'ana iā FestPAC. Ua hapai mua 'ia ka Hale Ali'i o 'Iolani no ka 'Aha Wehena, a me Kapi'olani Pāka no ka 'Aha Panina. No ke Kahua Ho'olaule'a, ua hapai 'ia ke Convention Center, Ala Moana Magic Island, a me Ke'ehi Lagoon.

Noi akula o Ms. Wong-Kalu e hui me ka Luna Ho'omalū e kūkākūkā ai i kona mau mana'o no kēia kumuhana me ka hui pū 'ana no ka pua'i mana'o ma mua o kona ho'olaha 'ana i mua o ka lehulehu. 'Ae maila ka Luna Ho'omalū i kēia hui 'ana, inā nō kūpono ka hui 'ana (aia nō i nā lula a kānāwai).

Hapai mana'o o Mr. Onishi no ka ho'ohana 'ana i nā wahi i koho 'ia me ka hana 'ana i ka nui i hiki me ka mea loa'a. Hiki ke koho 'ia nā wahi pani hakahaka ma hope o ka ho'olālā 'ana no nā wahi i no'ono'o mua 'ia. Mea mai o Mr. Onishi no kona 'olu'olu i nā wahi i koho mua 'ia. Inā nō makemake e mālama 'ia ka 'Aha Wehena ma ka Hale Ali'i o 'Iolani, pono e ho'opa'a koke 'ia kēlā wahi. Pēlā pū kona mana'o no Kapi'olani Pāka no ka 'Aha Panina. Pono e nānā hou 'ia nā lā, nā koina, a me nā lā palena pau. No ke Kahua Ho'olaule'a na'e, pono e ho'olālā hou aku 'ia. 'O ka ho'opa'a 'ana i nā lāli'i no nā 'aha wehena a panina ka hana mua na'e. 'Ae o ia iā Ms. Bento e ho'opuka mana'o no ka 'Aha Wa'a. 'O kā Ms. Bento koho mua no kahi o ka 'Aha Wa'a, o Ala Moana Magic Island ia. Kāko'o ka Luna Ho'omalū i ko Mr. Onishi mau mana'o. Hapai o ia i ka mana'o o ka ho'opane'e 'ana i ka wala'au 'ana nō nā mana'o 'ē a'e ma ka papa kumumana'o, i kahi hālāwai Komikina a'e.

Paipai ka Luna Ho'omalū i ka hālāwai 'ana o 'elua mau pū'ulu li'ili'i 'oko'a ma mua o ka hālāwai Komikina ma'amau. 'O kahi hālāwai, pili i ke kahua 'oihana, a o ka lua o nā hālāwai, pili i ka hanana a me kahi o ke kahua ho'olaule'a. Noi mai o Ms. Salā no ka po'e e komo pū ma

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahī, 26 Iulai, 2021 hola 2:30'aiu ma o ka ZOOM
'Ao'ao 7 o 7

ka hālāwai no nā 'aha a me ke Kahua Ho'olaule'a. 'A'a 'o Mr. Onishi, Ms. Lum, a me Ms. Wong-Kalu i ia hui 'ana.

KŪKĀKŪKĀ NO NĀ LOLI I KA MO'OHĒLU HO'OLAULE'A

Ho'opane'e 'o Luna Ho'omalū Ka'anā'anā i kēia papa kumumana'o no kahi hālāwai a'e.

KŪKĀKŪKĀ NO NĀ LALO KŌMIKE HO'OLAULE'A

- A. Ka Ho'okumu 'Ana I Nā Lalo Kōmike
- B. Pakuhi Ho'onohonoho
- C. Papa Kuhikuhi Manawa 2021
- D. Nā Pahuhopu, Ka Wā Ho'okō, & Nā Hanana Nui e Hō'oiā Ana I ka Holomua
- E. Ka Ho'omōhala 'Ana i Nā Anakuhi Papa Kuhikuhi Manawa No Nā Lalo Kōmike
- F. Ka Ho'omōhala 'Ana i Nā Anakuhi Hō'oiā Holomua No Nā Lalo Kōmike

Ho'opane'e 'o Luna Ho'omalū Ka'anā'anā i kēia papa kumumana'o no kahi hālāwai a'e.

KŪKĀKŪKĀ NO KE PO'O HO'OLAULE'A HO'OHANO HANO

Ho'opane'e 'ia kēia papa kumumana'o no kahi hālāwai a'e.

'ŌLELO HŌ'IKE A KA LEHULEHU

Wehe ka Luna Ho'omalū Ka'anā'anā nā i ka hālāwai i ka lehuleh e hāpai mana'o. 'Oiai 'a 'ohe mea i ho'opuka 'ia, ho'opa'a 'ana i kekahi hālāwai.

NĀ HO'OLAHA

'A'ohe nū hou i ho'olaha 'ia.


KA HO'OPA'A HĀLĀWAI – PŌ'AKAHI, 9 AUKAKE 2021

Ho'opa'a ka Luna Ho'omalū Ka'anā'anā i kahi hālāwai, ke Hālāwai Ho'olālā Hapahā ho'i, ma ka lā 9 o Aukake, 2021 mai ka hola 2:30'aiu.

HO'OKU'U

Ho'oku'u 'o Luna Ho'omalū Ka'anā'anā i ka hālāwai ma ka hola 3:28'aiu.

Me ke aloha e waiho 'ia nei,



Kalani Ka'anā'anā
Luna Ho'omalū

08/12/2021

Lā